



KENYATAAN MEDIA

KEMENTERIAN EKONOMI
JABATAN PERANGKAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

PERANGKAAN PERDAGANGAN LUAR NEGERI MALAYSIA FEBRUARI 2025

**Perdagangan Malaysia meningkat 5.9 peratus kepada RM223.9 bilion,
didorong oleh pertumbuhan eksport (+6.2%) dan import (+5.5%)**

PUTRAJAYA, 20 MAC 2025 – Prestasi perdagangan Malaysia pada Februari 2025 mencerminkan peningkatan permintaan global dan kestabilan ekonomi domestik, seperti yang dilihat dalam kenaikan berterusan eksport dan import. Jumlah dagangan mencatat pertumbuhan berterusan 5.9 peratus kepada RM223.9 bilion, didorong oleh peningkatan eksport (+6.2%) kepada RM118.3 bilion dan import (+5.5%) kepada RM105.6 bilion. Selain itu, imbalan dagangan mencatatkan prestasi yang lebih baik, meningkat 12.2 peratus kepada RM12.6 bilion pada Februari 2025 seperti yang dilaporkan hari ini dalam **BULETIN PERANGKAAN PERDAGANGAN LUAR NEGERI MALAYSIA, FEBRUARI 2025**. Buletin ini juga membentangkan prestasi produk untuk eksport dan import serta rakan dagangannya.

Ketua Perangkawan Malaysia, Dato' Sri Dr. Mohd Uzir Mahidin menekankan bahawa pertumbuhan eksport Malaysia didorong oleh peningkatan dalam eksport domestik dan eksport semula pada Februari 2025. Eksport domestik, yang merangkumi 82.0 peratus daripada jumlah eksport, meningkat 5.9 peratus kepada RM97.0 bilion, manakala eksport semula yang menyumbang 18.0 peratus

daripada jumlah eksport, berkembang 7.3 peratus kepada RM21.3 bilion berbanding Februari 2024. Selain itu, import berjumlah RM105.6 bilion, meningkat 5.5 peratus atau RM5.5 bilion. Lebihan dagangan bertambah baik 12.2 peratus, mencecah RM12.6 bilion, menandakan lebihan bulan selama 58 bulan berturut-turut sejak Mei 2020. Walau bagaimanapun, perbandingan bulan ke bulan dengan Januari 2025 menunjukkan penurunan dalam eksport, import dan jumlah dagangan, masing-masing merosot 3.7 peratus, 11.3 peratus, dan 7.5 peratus, manakala imbalan dagangan mencatatkan peningkatan mendadak 244.8 peratus.

Melihat dari sudut kumpulan barangan, 134 daripada 256 kumpulan eksport dan 135 daripada 259 kumpulan import menunjukkan peningkatan berbanding bulan yang sama pada tahun sebelumnya.

Ketua Perangkawan Malaysia turut menggariskan bahawa eksport yang lebih tinggi disumbangkan terutamanya ke Amerika Syarikat (+RM3.9 bilion), diikuti oleh Singapura (+RM2.7 bilion), Hong Kong (+RM1.8 bilion), Kesatuan Eropah (+RM674.0 juta), Thailand (+RM600.4 juta), Indonesia (+RM362.2 juta) dan Mexico (+RM347.7 juta). Selain itu, import yang lebih tinggi disumbangkan terutamanya dari China (+RM2.8 bilion), diikuti oleh Amerika Syarikat (+RM2.2 bilion), Taiwan (+RM1.8 bilion), Viet Nam (+RM625.5 juta), Thailand (+RM531.9 juta), Indonesia (+RM528.4 juta) dan Ecuador (+RM520.3 juta).

Mengulas lebih lanjut mengenai eksport, kenaikan ini sejajar dengan peningkatan dalam barangan elektrik & elektronik (+RM7.2 bilion); minyak kelapa sawit & keluaran pertanian berasaskan kelapa sawit (+RM1.5 bilion); barangan perkilangan lain (+RM846.8 juta); jentera, kelengkapan & peralatan (+RM642.5 juta); barangan optik & saintifik (+RM529.4 juta); serta makanan diproses (+RM487.9 juta). Di samping itu, peningkatan import dicatatkan bagi

barangan elektrik & elektronik (+RM6.8 bilion); keluaran pertanian yang lain (+RM1.9 bilion); kelengkapan pengangkutan (+RM1.8 bilion); petroleum mentah (+RM1.1 bilion); jentera, kelengkapan & peralatan (+RM855.6 juta); dan barangan perkilangan lain (+RM407.6 juta).

Selanjutnya, Ketua Perangkawan Malaysia juga memaklumkan pertambahan import mengikut Penggunaan Akhir adalah seiring dengan permintaan yang lebih tinggi bagi barangan modal, barangan penggunaan dan barangan perantaraan. Import barangan modal (13.1% daripada jumlah import) meningkat 35.3 peratus atau RM3.6 bilion, mencatatkan nilai RM13.8 bilion. Import barangan penggunaan (8.6% daripada jumlah import) naik 7.4 peratus atau RM625.5 juta, mencapai RM9.0 bilion. Import barangan perantaraan (55.6% daripada jumlah import) bernilai RM58.7 bilion, mencatatkan peningkatan 5.8 peratus atau RM3.2 bilion berbanding Februari 2024.

Jumlah dagangan, eksport, dan import bagi tempoh Januari hingga Februari 2025 mencatatkan peningkatan. Jumlah dagangan meningkat 4.4 peratus, daripada RM446.1 bilion kepada RM465.9 bilion, sejajar dengan kenaikan eksport (+3.1%) serta import (+5.9%). Sebaliknya, lebih dagangan menurun 24.0 peratus kepada RM16.3 bilion.


Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.

Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu,


Hari Statistik Dunia Keempat akan disambut pada 20 Oktober 2025 dengan tema 'Driving Change with Quality Statistics and Data for Everyone'.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Carta 1: Perangkaan Perdagangan Luar Negeri, Jan 2024 – Feb 2025 (Nilai)




Carta 2: Perangkaan Perdagangan Luar Negeri, Jan 2024 – Feb 2025
(Peratus Perubahan Tahunan)




Carta 3: Perangkaan Perdagangan Luar Negeri, 2020 – 2025 (Jan – Feb)



Carta 4: Import mengikut Klasifikasi Penggunaan Akhir & Kategori Ekonomi
Umum (BEC), Jan 2024 – Feb 2025
(Nilai dan Peratus Perubahan Tahunan)



Carta 5: Import mengikut Klasifikasi Penggunaan Akhir & Kategori Ekonomi
Umum (BEC), 2020 –2025 (Jan – Feb)



Jadual 1: Sub-Sektor Penyumbang Utama kepada Eksport

KETERANGAN KOMODITI	2024	2025	2025	SUMBANGA N KEPADA JUMLAH %	Y.O.Y	
	FEB	JAN	FEB		NILAI	%
	RM JUTA	RM JUTA	RM JUTA		RM JUTA	
Jumlah	111,357	122,814	118,255	100.0	6,898	6.2
Barangan Elektrik & Elektronik (E&E)	40,028	50,565	47,273	40.0	7,245	18.1
Keluaran Petroleum	10,540	9,759	9,246	7.8	(1,294)	(12.3)
Minyak Kelapa Sawit & Keluaran Pertanian Berasaskan Kelapa Sawit	4,791	6,687	6,313	5.3	1,522	31.8
Jentera, Kelengkapan & Peralatan	5,190	5,868	5,832	4.9	642.5	12.4
Kimia & Bahan Kimia	5,807	5,504	5,644	4.8	(162.6)	(2.8)

Jadual 2: Sub-Sektor Penyumbang Utama kepada Import

KETERANGAN KOMODITI	2024	2025	2025	SUMBANGAN KEPADA JUMLAH %	Y.O.Y	
	FEB	JAN	FEB		NILAI	%
	RM JUTA	RM JUTA	RM JUTA		RM JUTA	
Jumlah	100,116	119,155	105,639	100.0	5,522	5.5
Barangan Elektrik & Elektronik (E&E)	29,635	46,319	36,482	34.5	6,847	23.1
Jentera, Kelengkapan & Peralatan	7,880	9,611	8,736	8.3	855.6	10.9
Keluaran Petroleum	13,650	9,108	8,040	7.6	(5,611)	(41.1)
Kimia & Bahan Kimia	7,843	7,747	7,070	6.7	(773.3)	(9.9)
Kelengkapan Pengangkutan	3,667	4,530	5,480	5.2	1,812	49.4

Dikeluarkan oleh:

PEJABAT KETUA PERANGKAWAN MALAYSIA

JABATAN PERANGKAAN MALAYSIA

20 MAC 2025